

مُشْتَقَاتُ صِرَاطِ الْقِيَامَةِ

طبعة و محل اصدار :

دارال اوغلتده امنيت
سندوفى جوارنده
شكول يقوشنده
۲۷ نومبر

مسلك زمه موافق آثار
جدیده مع المنونبه
قبول اولنور

درج ايدله بن آثار اعادة اولنار

رئيس ، فلسفه ، علوم ، حقوق ، ادبيات تاريخ ، رسا سياست و ربا لخاصه اموال رشونه اسلاميه و دينيه و غير دينيه و غير دينيه بر نشر اولنور.

صاحب و مؤسسى :

ابوالعلا زين العابدين - ح . اشرف اديب
تاريخ تأسيسى

۱۰ تموز ۱۳۲۴

آبونه بدلى

سنه لى	الى آينى	غروش
۶۵	۳۵	۳۵
۶۵	۳۵	۳۵
۱۷	۹	۹

در سعادته نسخه سى ۵۹ باره در

قبرله دن مقوا بورو ايله كوندريلىر سه سنوى
۲۰ غروش فضله آلدير

عدد : ۱۸۲

۱۱ ربيع الاول ۱۳۳۰ پنجشنبه

۱۶ شباط ۱۳۲۷

يدينجى جلد

ادراكيله بختيار اولديغمز ليله ولادت رسالتپناهيدن طولاي
بالجمله اخوان دينى تبرىك ايدهرز .

مسلمانلى اتحاد و اتفاقه دعوت

واعتصمو بحبل الله جميعاً ...

دولت عليه عثمانيه نك اسلاميت اساسى اوزرينه تأسيس ايتمش و بودولت
معظمه نك بعناية تعالى الى يوم القيام دوام و بقاى و شوكت و سطوتك
كوندن كونه ترقى و اعتلاى دخی بواساك و اندن اقتباس ايدلش اولان
مشروطيت اداره نك حسن محافظه سنه وابسته بولومشدر .

جمله معلوم اولدينى اوزره امور دنويه دن طولاي شرفاً انسانلر
بيننده بفرق و تفاوت اوليوب هر فردك مساوات و عدالت تامهيه مظهر
اولمى و حریت شخصيه نك تجاوز اتدن مصون بولمديرلمسى متعدد آيات
جليله قرآنيه و احاديث شريفه نبويه اقتضاي عاليسندن اولمسنه و بلطفه
الكريم نائل اولديغمز مشروطيت اداره نك علت غايه سى دخی عدالت
اساسنى تقويه و تحكيمدن عبارت بولمسنه مبنى جناب حقل عنايتيه
و جمله نك همت و غيرتيله استحصال اولنان اداره مشروطه شرع شريف
احكامنه تماميه مطابق و عموم ملت عثمانيه نك منافع و مصالحنه موافق اولديغنده
اشباه ايديله مز .

قالدى كه اصول مشروطيتك مملكتهمزده لايق وجه اوزره تأسيس
و ترقيسى و محصول استبداد اولان برطاقم فنا لقلرك محو و ازاله سيله سعادت
و سلامت مملكته متعلق آمال و مساعينك بر آن اول ثمره بخش موفقيت

اوله يلمسى ايچون احكام جليله شريعت و اجابات مشروطيت دائره سنده
جمله مركز همدست وفاق و اتحاد اوله رق عمران مملكته خدام تشبثات ايله
جبر مافاته چالشمه سى و منافرت و تفرقه سى موجب احوال و حركاتدن
صاقه رق حسن اخلاقه اك بيوك واسطه اولان اوامر الهيميه امثال
و نواهيدن اجتناب ايلسى و مقام اقدس خلافت كبرايه كال صداقت
و اخلاص ايله ربط قلب ايله رك قوانين و نظامات موضوعه احكامنه
واوامر دولته رعايت ايلسى لازمدر . بناءً عليه شرع شريفه و مشروطيته
مغاير اولان منافرت و نفاقك دوامى معاذ الله تعالى جمله امت محمد ايچون
موجب خسران و اضمحلال و دشمنلر مزجه اوتدن برى شدتله
ارزو و انتظار ايديلان نا مناسب بر حال اولغله ديناً و سياستاً تجويز
ايديله مز .

محبت قلبيه و اخوت وطنيه ايله يكدى كيرينه مربوط اولمسى لازم كلان
اولاد مملكت بيننه تخم قتنه و فساد اكيلمى و مبارك وطنمرك مستعد
ولايق اولدينى سعادت و عمراننه بصورتله برسد سديد چكيلمى ديانت
اسلاميه و حيت وطنيه دن نصيبه دار اولان هر فردى اغلا ته حق ، ايكلته جك
شيردندر .

بوجهتله بالاده مسطور اولان مطالعات خير خواهانه نك لسان
مناسبه بشون قصبات و قرا اهالى سنه تبليغ و تفهيمنه اعتنا و عماد الدين
اولان صلواته دوام و مكتبلره مداوم طلبه مسلمينه دخی نماز قيدر مغه
معلمين كرامك صرف همتله آداب اسلاميه دائره سنده تحصيل علم
و معرفته غيرت ايدرك نائل اجر و مثنوبات اولملى اسبابك استكمالنه
بذل مقدرت اولومسى ضمننده مقام مشيختدن ايجاب ايدنلره تبليغاتده
بولنلشمشدر .